


**Բաժին մը յատկացուր
կարօրաւորին**

Անոնք, որ շատ հարստութիւն կը հաւաքեն եւ ողորմութիւն չեն սերմաներ, դարարկ ձեռքով կը մեկնին այս աշխարհէն եւ կ'առաքուին անպանելի եւ անողորմ կրակը: Եւ Տէրը այս մէկը կ'իմացնէ երբ կ'ըսէ. «Աշխարհիկ հարստութիւնը գործածեցէ՛ք այնպէս մը, որ Աստուծոյ բարեկամութիւնը շահիք, որպէսզի երբ այս աշխարհէն ելլէք՝ յաիպենական յարկերուն մէջ ընդունին» (Ղուկ. 16.9): Նոյնը Պօղոս Առաքեալ կ'ըսէ. «Սիրոյ հեղինակութիւնը եղէք ու նաեւ նախանձախնդիր՝ աղքատներու ողորմութեան, որովհետեւ դուք ալ Քրիստոսէ ողորմութիւն պիտի ստանաք» (Ա. Կոր. 14.1): Ո՛չ մէկ բան կը թելեցնէ մեղքին ծանրութիւնը, բացի աղքատին փրկումը ողորմութենէն եւ գութէն: Ինչպէս սուրբ Դանիէլ Նաբուգոդոնոսորին կ'ուսուցանէր, երբ ան իր մեղքերուն պարճառաւ հիւանդացած էր մարգարէին կը հարցնէր, թէ ինչպիսի՞ դեղեր կան այս հիւանդութեան համար եւ Դանիէլ, որպէս բժիշկ իրեն մօտենալով կ'ըսէր. «Ո՛վ արքայ, ո՛չ պահքը, ո՛չ արթուն ըլլալը, ո՛չ բուրձը եւ ոչ ալ առանձնութիւնը կրնան օգտակար ըլլալ, այլ գնա՛ եւ մեղքերդ ողորմութեամբ քաւէ՛, իսկ անօրէնութիւններդ՝ աղքատներուն գթալով: Այս արարքն է, որ քեզ պիտի արդարացնէ եւ այս ճանապարհն է, որ քեզ յաիպենական կեանքի պիտի առաջնորդէ» (Դանիէլ 4.27) :

**ՀԱՅՑ. ԱՌԱՔԵԼԱԿԱՆ ԵԿԵՂԵՑԻՈՅ
Ս. ՊԱՏԱՐԱԳ**



**ՊԼՏՐՈՒՄ ԽՈՐՀՈՐԴԻՆ ՀՎՏԱՏՈՒՄԸ
2.- Պատրաստութիւն ընծաներուն
Բ.- ՃԱՇՈՒ ՊԱՇՏՈՆ**


Ահա, թէ ինչո՞ւ սարկաւազը Ս. Խորանէն բարձրաձայն կը յայտարարէ. «Չըլլայ՝ որ անկնունք, անհաւատ, անպաշխարհ կամ անմաքուր ռեւէ մէկը մօտենայ աստուածային այս խորհուրդին»:

Գ.- ԲՈՒՆ Ս. ՊԱՏԱՐԱԳ կամ ՀԱՒԱՏԱՅԵԱԼՆԵՐՈՒ Ս. ՊԱՏԱՐԱԳ

Խորախորհուրդ պահ է, որ կը սկսի: Դպիրները երկիւղածութեամբ կ'ոգեկոչեն Փրկագործ Խորհուրդին ծաղկումը, կը բացայայտեն, թէ ինչպիսի վեհ եւ նուիրական Խորհուրդ մըն է, որ պիտի սկսի, եւ որ պիտի սրբագործէ եկեղեցին դարձած ողջ հաւատացեալներուն համախմբումը եւ անոնք կ'երգեն վերացած ու աղիքնումը. -

«Տիրոջ Սարմինն է, Փրկչին Արիւնն է ահա դրուած մեր դիմաց...

Շարունակելի



ՔՈՒ ԽՕՍՔԻ ԽՄ ՈՅՔԵՐՈՒՄ ԵՐԱԳ Է ՈՒ ԽՄ ՇԱԽԴՆԵՐՈՒՄ ԼՈՅՍ (ՍՂ.119.105)

ՃԷ. ՏԱՐԻ

ԿԻՐԱԿԻ, 19 ՄԱՅԻՍ 2024

ԹԻՒ 20

ԿԻՐԱԿԻ ՕՐԵՐՈՒ ԱՍՏՈՒԾԱՆՉՆՉԱԿԱՆ ԸՆԹԵՐՑՈՒՄՆԵՐ

ԳրԾ. 2. 1-21: 3h. 14. 25-31:

Հ Ո Գ Ե Գ Ա Լ Ո Ւ Ս Ս (Պ Ե Ն Տ Ե Կ Ո Ս Ս Է)

**ՅԻՍՈՒՄ ՔՐԻՍՏՈՍԻ ԱՒԵՏԱՐԱՆԸ
ԸՍՏ ՅՈՎԿԱՆՈՒ 14:25-31**


Այս բոլորը խօսեցայ ձեզի, քանի տակաւին ձեզի հետ եմ: Բայց Մխիթարիչը՝ Սուրբ Հոգին, որ Հայրը ձեզի պիտի դրկէ իմ անունովս, ան ձեզի ամէն ինչ պիտի սորվեցնէ եւ յիշեցնէ ինչ՝ որ ես ձեզի ըսի: Խաղաղութիւն կը թողում ձեզի, իմ խաղաղութիւնս է, որ կու տամ ձեզի, որ այս աշխարհի տուած խաղաղութենէն տարբեր է: Մի՛ խռովիք եւ մի՛ վախճաք: Լսեցէ՛ք, ինչ որ ըսի ձեզի, թէ «*Ահա կ'երթամ, բայց կրկին պիտի գամ ձեզի*»: Եթէ զիս կը սիրէք ուրախ պիտի ըլլաք, որ Հօրս կ'երթամ, որովհետեւ Հայրս ինձմէ մեծ է: Այս բոլորը ձեզի ըսի նախ քան պատահիլը, որպէսզի երբ պատահի՝ այն ատեն հաւատաք: Այլեւս երկար պիտի չխօսիմ ձեզի, որովհետեւ ահա կու գայ այս աշխարհի իշխանը, որ իմ վրաս ոչ մէկ իշխանութիւն չունի: Բայց աշխարհը պետք է գիտնայ, թէ ես Հայրը կը սիրեմ եւ ա՛յդ է պատճառը՝ որ ինձի բոլոր պատուիրածները կը կատարեմ: Ելէ՛ք, երթանք այստեղէն:

Մի՛ խռովիք եւ մի՛ վախճաք

Քրիստոս յաճախ իր աշակերտներուն կը փառաբանէր ըսելով մի՛ վախճաք, որովհետեւ վախը խաւարի որդիներուն կը պատկանի: Անոնք, որոնք Քրիստոսի լոյսը զգացած են վախը գոյութիւն չ'ունենար անոնց կեանքին մէջ: Եւ ահա այսօր Հոգեգալուստի տօնին առիթով Քրիստոս կու գայ աւետարանի ճամբով յիշեցնելու բոլոր այն հաւատացեալներուն, որոնք Քրիստոսը ունին իրենց կեանքին մէջ, թէ պէտք է միշտ փառաբար ապրին իրենց կեանքը: Միշտ յիշենք սաղմոսասացի խօսքը, որ կ'ըսէ. «Տէրն է իմ լոյսս եւ փրկութիւնս, որմէ՞ պիտի վախճամ ես: Տէրն է իմ կեանքիս ապաւէնը, որմէ՞ պիտի դողամ ես: (Սաղմոս 27. 1):

ՍՈՒՐԲԵՐ ԵՒ ՏՕՆԵՐ

ՀՈԳԵԳԱԼՈՒՄՍ



Քրիստոսի Յարութենէն 50 օր ետք, երբ Երուսաղէմի մէջ մեծ թիւով ժողովուրդ հաւաքուած էր Պենտեկոստի առթիւ, առաքելները Տիրոջ պատուէրին համաձայն Վերնատուն հաւաքուեցան: Անոնք մէկ սիրտ դարձած կ'աղօթէին՝ սպասելով Ս. Հոգիին գալուտը, ինչպէս Յիսուս խոստացած էր: Յանկարծ սաստիկ հովի ձայն մը հնչեց երկինքէն եւ լեցուց ամբողջ տունը: Յետոյ անոնք տեսան հրեղէն լեզուներ, որոնք տարածուեցան եւ հանգչեցան իւրաքանչիւրին վրայ: Բոլոր ներկաները Ս. Հոգիով լեցուեցան եւ սկսան տարբեր լեզուներով խօսիլ, ինչպէս որ Հոգին խօսիլ կու տար:

Առաքելները զօրանալով սկսան քարոզել ու վկայել Յիսուսի մասին: Աշխարհի տարբեր ժողովուրդներ, որոնք Երուսաղէմ հաւաքուած էին անակնկալի եկան, որովհետեւ կը լսէին, թէ ինչպէս անոնցմէ իւրաքանչիւրը իրենց սեփական լեզուով կը խօսի: Պետրոս առաքելի քարոզէն ետք, 3000 հոգի դարձի եկան եւ մկրտուեցան Յիսուս Քրիստոսի անունով:

Ս. Հոգեգալուտը եղաւ Հրեաներու Չատիկէն 50 օր ետք՝ Պենտեկոստէին, երբ Մովսէս մարգարէին միջոցաւ Աստուած հրեաներուն պարգեւեց Տասնաբանան:

ՀԱՐՑՈՒՄ ՊԱՏԱՍԽԱՆ ԲԱԺԻՆ

ՈՇԷ ՊԱՏԱՅԱԿԱՆ ԱՆՁ ԿՐՆԱ՞Յ ԱՂՕԹԵԼ ՄԵՐ ԿՐԱՅ:

Ո՛չ: Ամէն մարդ՝ ամէն մարդու համար կրնայ աղօթել, բայց ամէն մարդ՝ ամէն մարդու վրայ չի կրնար աղօթել: Որպէսզի կարենանք մարդու մը վրայ աղօթել կա՛մ պէտք է եկեղեցական կարգ ունենայ եւ կա՛մ պէտք է յատուկ կերպով Աստուծոյ կողմէ կանչուած եւ կոչում ստացած ըլլանք: Աստուծոյ կողմէ կանչուած մարդը՝ «աղօթքի հոգի» պէտք է ունենայ: Իսկ «Աղօթքի հոգի»-ն Աստուծոյ հոգին է, որ կը պարգեւէ:

Զաքարիա 12.10-ին մէջ կը խօսի «աղօթքի հոգի»-ին մասին: Երբ կ'ըսենք, թէ այսինչ մարդը Սուրբ Հոգիին կողմէ իրեն տրուած «աղօթքի հոգի» ունի, չենք հասկնար, որ ան պարզապէս Սուրբ Հոգիով լիացած ու մկրտուած անձ մըն է, այլ՝ կը հասկանանք, որ ան Սուրբ Հոգիին օծութիւնը ունեցող մըն է, որ աղօթելու պարգեւը ունի, եւ կըրնայ աղօթել հիւանդի մը վրայ եւ բժշկել զինք: Հարկաւ միայն հիւանդի մը վրայ չէ որ կրնայ աղօթել, այլ՝ կրնայ աղօթել ոեւէ անձի վրայ եւ յայտնել անոր Աստուծոյ կամքը իր անձին վերաբերեալ եւ Աստուծոյ պահանջուածը իրմէ: «Աղօթքի Հոգի» ունեցող մարդուն, Աստուած կը յայտնէ որո՞չ իրականութիւններ որո՞չ անձերու մասին, որո՞չ նպատակով մը: Յակոբոս առաքել կ'ըսէ. «Մէկը հիւանդացա՞ւ թող կանչէ եկեղեցւոյ երէցները, որպէզի իր վրայ աղօթեն եւ իւղով օծեն զինք, Տիրոջ անունով» (Յկ. 5.14):

Կրնայ սրբութեան եւ արդարութեան կեանք ապրող մարդ մը, նաեւ իր ձեռքը դնել մեր գլխուն վրայ եւ աղօթել մեզի համար:

Վ.Ծ.Վ

Հ Ո Գ Ե Ի Ո Ր Պ Ա Տ Գ Ա Մ

ԾՆՈՂՆԵՐ ՊԱՐՏԻՆ ԱՂՕԹՈՂ ԸԱԱԼ ԻՐԵՆՅ ԶԱՐԱԿՆԵՐՈՒՆ ՀԱՄԱՐ

Եւ ըսաւ.- Տէ՛ր, ողորմէ զաւակիս, լուսնոտ է եւ սաստիկ կը տանջուի: Շատ անգամ կրակի մէջ կ'իյնայ եւ երբեմն ալ՝ ջուրի մէջ (Մտթ. 17.15): Չենք գիտեր եթէ երբեք լուսնոտ այս պատանին կարողութիւնը ունէր անձնապէս դիմելու Յիսուսին եւ խօսելու հետը թէ ոչ, բայց մէկ բան յստակ է, որ այս պատանին ունէր գթասիրտ եւ հաւատքով լեցուն հայր մը, որ բնաւ թոյլ պիտի չտար, որ իր զաւակը մնար իր դժբախտ վիճակին մէջ:

ՄԵՐ ՍՈՐՎԵԼ ԻՔ Հ Ո Գ Ե Ի Ո Ր Դ Ա Ս Ը

Ծնողներ պարտին աղօթել իրենց զաւակներուն համար, իրենց զաւակները այդ մէկը փափաքին՝ թէ ոչ: Ծնողներ կոչուած են իրենց զաւակներուն դատը ներկայացնել աշխարհի Դատաւորին, իրենց զաւակները այդ մէկը կամենան՝ թէ ոչ: Կրնայ ըլլալ, որ լուսնոտը անձնապէս Յիսուսին դիմելու կարելիութիւնը չունէր, ձեռք չէր գիտեր, ըսելիքը չէր գիտեր: Այսօր մեր զաւակներէն շատեր ծանօթ չեն երկինք առաջնորդող Ճամբուն՝ Յիսուսի: Ծնողներ պարտին ծանօթացնել անոնց այդ Ճամբան:

ԵԹԷ ԿԱՍ ԵՐԲ Կ՛ՈՒԶԵՍ...

ԵՐԲ ԱՂՕԹՔՆԵՐՈՒՂ ՊԱՏԱՍԽԱՆԸ ԿԸ ՓՆՏՈՒՄ ԱՍՏՈՒԾՄԷ, Կարդա՛ ՍԱՂՄՈՍ 20

Տէ՛րը թող լսէ աղօթքներդ, երբ որ անձկութեան մէջ ես: Մեր հայրերուն Աստուածը ի՛նք թող պաշտպան ըլլայ քեզի: Քեզի օգնութիւն թող դրկէ իր սրբաբանէն, եւ Սիոնէն քեզ զօրացնէ: Տէ՛րը թող յիշէ քու նուէրներդ, եւ գոհերդ ընդունելի համարէ:

Տէ՛րը սրտիդ համեմատ թող տայ քեզի եւ քու բոլոր փափաքներդ կատարէ:

Մենք քու բերած փրկութեամբդ պիտի ցնծանք, եւ Աստուծոյ յաղթանակին դրօշը պիտի կրենք: Տէ՛րը կատարէ՛ բոլոր խնդրանքներդ:

Հիմա գիտցայ, որ Տէ՛րը կը փրկէ իր օծեալը, անոր աղօթքին պատասխան կուտայ իր սուրբ երկինքէն եւ իր զօրութեամբ անոր մեծամեծ յաղթանակներ կը պարգեւէ: Ոմանք իրենց պատերազմի կտոճերուն, ուրիշներ՝ ձիերու կ'ապաւինին, բայց մենք Աստուծոյ՝ մեր ՏԻՐՈՋ կ'ապաւինինք: Անոնք պիտի ծունկի գան եւ իյնան, մինչ մենք կանգուն պիտի մնանք, գլուխս բարձր:

Ո՛վ Տէ՛ր, փրկէ՛ թագաւորը, երբ քեզ կանչենք՝ պատասխանէ՛ մեր աղօթքներուն:

ՈՍԿԵՂԷՆ ՀԱՄԱՐ

Զգաստութեան որպէս նախապայման իմաստութիւն ունեցիր եւ կեանքիդ բոլոր նախապահներուն խոհեմ եղիր (Սոսկ 4):